

DISSERTATIO MEDICA
INAUGURALIS
DE
D Y S E N T E R I A.
QUAM
ANNUENTE DEO TER. OPT. MAX.

Ex Auctoritate Magnifici Rectoris

D. TACONIS HAIONIS VANDEN HONERT
S. S. THEOLOGICÆ DOCTORIS ET PROFESSORIS
ORDINARIJ.

NEC NON

*Amplissimi SENATUS ACADEMICI Consensu, & Nobilissimæ
FACULTATIS MEDICÆ Decreto,*

PRO GRADU DOCTORATUS,

Summisque in MEDICINA Honoribus, & Privilegiis, ritè
ac legitimè consequendis,

Eruditorum examini subjicit

R O L A N D U S F R Y E, *Americanus.*

Ad diem 27. Junii 1720. horâ decimâ locoque solito.



F. Driesswyk. del. & fecit.

LUGDUNI BATAVORUM,
Ex Officina BOUTESTENIANA.

Digitized by the Internet Archive
in 2019 with funding from
Wellcome Library

<https://archive.org/details/b30773775>

AMPLISSIMIS ET CELEBERRIMIS
VIRIS

JOHANNI FRYE,
ARMIGERO PATRI SUO INDULGENTIS-
SIMO OMNI CULTU ET PIETATE FILIA-
LI IN ÆTERNUM PROSEQUENDO.

SAMUELI FRYE,
ARMIGERO AVUNCULO SUO CHARISSI-
MO PRO SUA ERGA ME HUMANITATE
NUNQUAM SATIS COLENDO.

NEC NON

Viro summâ post parentes reverentiâ excipiendo.

D. HERMANNO BOERHAAVE. M.D.
HUIUS ET BOTANICES ET CHEMIÆ IN
ILLUSTRI LUGD: BATAVORUM ACADE-
MIA PROFESSORI DIGNISSIMO, PRÆCE-
PTORI SUO HUMANISSIMO ET DOCTIS-
SIMO.

D. GULIELMO LAVINGTON,
MORUM INTEGRITATE SPECTATISSIMO,
AMICO DILECTISSIMO, DE SE OPTIME
MERITO.

*Parentibus, Præceptori, & Amico,
Hæc ad conflandam Thesim excerptæ*

R. D. D.

ROLANDUS FRYE.



DISSERTATIO MEDICA
INAUGURALIS
DE
DYSENTERIA.

§. I.



OCIS Etymologiæ non multum immo-
rabimur, ne autem a methodo ordinariâ,
& viâ hætenus tritâ decedamus, sufficiat
Dysenteriam ortum suum habere a δὺς
ægre & έντερον Intestinum, quod Inte-
stina graviter afficiantur in hocce morbo,
¹ Celsi vocatur intestinorum tormina, &
apud ² Aurelianum rheumatismus Inte-
stinorum cum exulceratione dicitur.

§. II.

Dysenteria est frequens dejectio alicujus materiæ acrioris,
nempe, muci intestinalis, Bilis, cruoris, puris, caruncula-
rum &c. cum dolore gravi & torminoso, dependens aliquan-

A 3 do

1. Celsus de Torminibus. Pag. 224.

2. Cæl. Aurelianus. Cap. VI. Pag. 524.

do ab intestinorum inflammatione, aliquando etiam juxta¹ medicos Græcos ab eorum exulceratione.

§. III.

Cum variæ sint alvi dejectionum præternaturalium species, ut Lienteria, Cæliaca passio, Diarrhæa, & præ primis quæ sanguinem quoque fundunt, ut Fluxus Hepaticus, Hæmorrhoidalis & Tenesmus, attendendum est ut bene distinguantur, ne error & confusio incauta oriantur, a Dysenteria Cæliaca passio differt, quod Chylus unâ cum fæcibus alvinis excernitur, idque indolenter. in Lienteria alimenta parum aut nihil mutata, sine dolore, sanguine aut pure, ilico per alvum redduntur. Diarrhæa est frequens & copiosa per alvum egestio excrementorum liquidorum, licet sæpe torminibus concomitetur, tanta tamen non sunt ut in Dysenteria; ex diuturniori autem & continuatâ diarrhæâ facile produci potest affectus Dysentericus, quatenus acrimonia illa, quæ in diarrhæa peccat ad majorem gradum producta, tandem etiam intestina erodere, doloresque intensissimos excitare poterit. Fluxus Hepaticus sanguinem equidem fundit, sed tenuem maxime, instar loturæ carnis, dolores adsunt aut nulli, vel exigui, fluxus hic raro ultra duos vel tres dies durat. in fluxu hæmorrhoidali, sanguis, pus, & dolor equidem se manifestant, sed notandum, hæc tantum prodire ex intestino recto; in hocce morbo sanguis semper præcedit fæces, in Dysenteria vero sequitur. in Tenesmo etiam sæpius sanguis conspicitur, sed illæ dejectiones sunt paucæ admodum, & solum afficitur Rectum, hinc etiam dolores in ano tantum, & præ primis in exernendi conatu.

§. IV.

1. Hippocrat. in libr. de affection. Sect. XXIV.
- Aretæus de morb. diuturn. Lib. 2. Cap. 9.
- Alex Trallian. lib. VIII. Cap. 9.

§. IV.

Affectus Dysenterici causa frequentissima sunt particulæ acres intestinorum mucum abradentes, vel, si morbus violentior sit, vascula sanguifera per intestinales tunicas decurrentia corroden-tes, hinc sæpe sanguis sincerus, ne muco quidem intermixto, singulis conatibus egeritur: hæcce vero acrimonia variis causis remotis in tunicas & glandulas intestinales deferri potest vel¹ venenis, vel² cibis, vel³ fructibus horariis, vel etiam ex mu- scæ ictu ut videatur Ephemerid. German: Decur. II. An. VI. pag. 30. Append. Adamantem in forma pulveris propinatum Dysenteriam produxisse refert Fel. Platerus in Praxi Tom. 3. Dysenteria quoque excitari potest a vermibus quale Exemplum nobis offert⁴ Cl. Bonetus, ubi narrat in puero Dysenteriâ mor- tuo maximam vermium quantitatem in Intestinis inventum fuisse.

§. V.

Inter causas remotas primum locum sibi vendicat prava aeris dispositio ad hunc morbum efficiendum, unde procul dubio fit ut Dysenterix sæpe deveniant Epidemicæ, qualis erat illa a clarissimo¹ Sydenhamo descripta. Sic Anno salutis nostræ 1538. ut narrat² Fernelius, Dysenterix graves universâ Europâ fero- citate tanta populabantur, vix ut Civitas ulla immunis evaserit. Dicit³ Hippocrates si hyems justo plus frigidior & siccior ex- tite-

1. Sennertus lib. III. Cap. 7.

2. Fernelius in Patholog. lib. VI. Cap. 10.

3. Riverius. pag. 301.

4. Bonetus in sepulcreto Anatom. pag. 1714.

1. Sydenham. pag. 220.

2. Fernel. de morb. pestilent. pag. 795.

3. Hippocrat. Aphor. II. Sect. 3.

titerit, ver aut pluviosum & Austrinum, æstate futuras esse Dysenterias. Atque iterum Aphor. 12. Sect. 3. Si hyems admodum austrina fuerit & pluviosa, ver autem siccum & Aquilonium, Dysenteriae producendæ tempestates illas esse maxime idoneas. Ad hanc etiam classẽ revocandum est contagium, quod ab ægrotantium excrementis exhalat, & suam sæpe labem adstantibus communicat: immo vero si talia excrementa in latrinas effundantur, multos ejusdem familiæ inficere solent. Sæpius quoque ex terræ motibus & fodinis assurgentes exhalationes arsenicales, aeremque inficientes Dysenteriam produxerunt.

§. VI.

Sæpe aggreditur hic morbus cum rigore horroreque quos sequitur ut plurimum inquietudo, sitis intensa, & totius corporis calor, & brevi post tormina abdominis cum crebris ac copiosis dejectionibus, plerumque mucosis, nisi quod nonnunquam stercorosæ interponuntur, idque sine dolore insigni. mucosis hisce dejectionibus non raro intertexuntur sanguinis quædam filamenta; quandoque ne minimum quidem sanguinis deponitur per omnem morbi decursum: sæpe vero nulla antecedit febris præpensio, agmen autem ducunt tormina, dejectiones subsequuntur: semper tamen adest ingens cruciatus & intestinorum depressio cum dolore quoties exoneratur alvus: nonnunquam statim in principio valdè ferox & horrenda deprehenditur Dysenteria, vigiliis pertinacibus, dolore intensissimo, febre & siti fere inextinguibili stipata, sanguisque sincerus, nullo muco intermixto, magnâ satis quantitate deponitur: quandoque præ violentiâ inflammationis in suppurationem aguntur ipsæ intestinorum tunicæ: aliquando etiam Intestina, a magno illo incendio, quod excitavit materiæ calidæ atque acris ad partes læsas affluxus copiosior, gangrænâ insanabili afficiuntur.

§. VII.

§. VII.

Signa Dysenteriae diagnostica ex datâ definitione facile eliciuntur; ex ventris torminibus, paulo ante vel in tempore ipso excernendi; quæ excernuntur toto genere a naturali modo sunt aliena, frequenter leipothymia, tenesmus, procidentia ani huicce morbo junguntur; omnia quæ signa diligenter enumerat Galenus. an vero Intestina tenuia nimirum an crassa afficiuntur, dignoscere difficilius est. quando intestina tenuia sunt affecta, dolor erit magis acutus, ut ægri aciculis compungi videantur; quia hæcce intestinula substantiâ pollent magis nervosâ, & sensu exquisitiori sunt prædita: è contra quando crassa afficiuntur intestina, dolor non tam acerbus est, sed magis in ambitu abdominis juxta situm ac progressum Coli; Excrementa a torminibus & cruciatu ventris statim excernuntur, sanguinis lineamenta & purulenta materia fæcibus supernatant, aut parum permixta apparent.

§. VIII.

Prognosis quanquam sæpius incerta & valdè dubia, illa tamen secundum Dysenteriae gradus petenda. Si materia peccans sit acerrima, majores erosiones, dolores, febresque malignas producet; secus, si sit mitior, si mucus cum sanguine in parvâ quantitate excernatur, nec dolores sunt magni aut continui, nec febris intensa, facilius curam admittit. Si Exulceratio sit in intestinis crassis, malum non valdè periculosum; quia facilius mundificationem & consolidationem perferunt; si vero intestina tenuia afficiantur, quia sunt structuræ tenuioris nec facile propter texturam nervosam consolidari possunt, malum

B

fæ-

sæpius exitiosum. ¹ Aphthæ insuper exeunte morbo oris interna faucesque obsidentes, imprimis ubi corpus diu fuerit excalcraftum, & materiæ peccantis evacuatio medicamentis astringentibus impedita, non exacto, prius per Cathartica, morbi fomite, mortem imminentem ut plurimum denuntiant. Dysenteria ab atrâ bile proveniens, lethalis. teste Hippocrate aphor. 24. sect. 4. In longis difficultatibus intestinorum cibi fastidium, malum; & cum febre pejus. Aphor. 3. Sect. 6. Si Dysenteriâ laborante veluti Carunculæ dejiciantur, mortiferum. Aphor. 26. Sect. 4. Dysenteria a flavâ bile aut cibis acrioribus proveniens facilè curabilis. ² Pessimæ sunt Dysenteriae in quibus quæ excernuntur porri speciem habent, suntque nigra, plurima, varia, graveolentia. Si Dysenteriae ructus vel crepitus ventris superveniat, bonum. Si sæpius animo linquantur, defectum spirituum animalium indigitant, ac si vigiliæ continuæ comitentur, patet acriores sanguinis particulas etiam petiisse cerebrum, & acrimoniâ suâ tenellas Cerebri fibrillas irritare, hinc Phrenitis sævit, donec maximus somnus, seu mors obruat tandem dysentericos. subita & sine causâ remissio acerrimi doloris, manente pulsu debili intermittente, sudore frigido, ³ Dysenteriâ fætida, ichorosâ, nigrâ, fæcum sine sensu dimissione, gangrænam intestina corripuisse manifestum est.

§. IX.

Methodus Therapeutica in hisce indicationibus consistit. Primo, in resolutione benignâ, si morbus ab inflammatione causam ducat. Secundo, in correctione humorum acrium, qui intestina vellicant & erodunt. Tertio, in mundatione & consolidatione partis ulceratæ, si inflammatio, resolutione non factâ, in abscessum abiverit. Sin vero symptomata sint violentissima, & æger in vitæ discrimen perducatur, confestim ad Lau-

1. Sydenham. pag. 222.

2. Aëtius tetrabibl. 3. serm. 3. Cap. 43..

3. Pr. Alpinus de præsag. vit. & morte. Lib. II. Cap. XI.

Laudanum confugiendum est, neglectis aliis indicatis. quo in casu sumat æger laudani liquidi gutt: xv. plus aut minus, omni octavâ horâ, donec symptomata paululum cedant, & melius se habeat æger.

§. x.

Inflammatiô curatur resolutione, si humores sint blandi & obstructio parva; largâ missione sanguinis ante quartum diem, ad minimum, adhibitâ, resolutio obtinetur, hoc autem tempore elapso, inflammatiô abscessum tunc formare incipit, atqui omnino impossibile est abscessum jam formatum resolutione sanare.

§. xi.

Humores acres corriguntur vel vomitu leni ex egregiâ radice Ippecacuanhâ, ad scrupulum unum vel alterum, sumptâ, quæ sola in Dysenteriis curandis plus præstat quam reliqua medicamenta adhuc inventa, vi enim Emeticâ, catharticâ & astringente conjunctim prædita est, qui veram analysin historiamque hujusce radicis scire cupit, legat dissertationes¹ Dni Bolduc Academiâ regiâ parisiâ editas: vel purgatione moderata; Rhabbari radix hic divinum est medicamentum, sed cum portione Cathartica parata plus boni facit quam si sola detur; Dicit enim² Sydenhamus, licet Rhabbarum Cholerae atque acrioribus quibuscunque humoribus evacuandis sit dicatum, attamen nisi Mannæ aliquid, aut Syrupi Rosacei, vel aliud ejusmodi, eâ quantitate admisceatur ut ad pleniorum Catharsin assurgat, in Dysenteriis curandis non admodum conducit, quamobrem tale purgans laudat clarus ille Vir.

B 2

Rx.

1. *Les memoires de l'Academie des Sciences, An. 1700., & 1701.*

2. *Sydenham. pag. 226.*

℞. *Tamarind.* ℥ss.

Fol. sennæ. ℥ij.

Rhei. ℥ss.

Coq. s. q. aquæ. Colatur. ℥iij. dissolve

Mann. Syr. Rosar. solut. ana ℥i. M. F.

Potio sumenda summo mane.

Clysteres lenientes & Anodynī valdè profunt, quales lac solum vel cum Vitell. Ovor. vel Mucilag. sem. Lini & similibus paratum; Decoctio flor. Altheæ, Malvæ, cum farinâ Lini pro Clystere, intestina admodum emolliunt & refrigerant. Pulveres testacei aliquando profunt, prout absorbent vel alterant particulas acres in plicis valvulosis retentas, hærentes, tunicas intestinorum irritantes. Diæta sit tenuis & humectans. Potus ex Decocto albo.

§. XII.

Si post inflammationem satis violentam, fiat, tertio vel quarto die, subita remissio doloris & horror vagus per totum corpus sine causâ manifestâ, obtususque sit dolor in loco affecto signum est abscessum in Intestinis formari. Sanatur Ulcus decoctis Balsamicis detergentibus sæpe & magnâ quantitate bibendis. Exempli gratia.

℞. *Rad. Valerian. hortens.* ℥ij.

Fol. Levistici. M.ij.

Flor. Hyperic. M.i.

Agrimoni. ℥ij.

Cum aq. decoct. ℥iij. exhibe.

Bibat ℥ij. omni hora.

Ex eodem etiam decocto fit Clyisma sæpius injiciendum. Pascendus est Æger solis jusculis cum radicibus leniter deterfivis incoctis, quales sunt radices Scorzonæræ, Petroselini, Cichorææ &c. atque in his pergendum usque ad perfectam Sanationem.

§. XIII.

Sæpennmerò hic affectus Dysentericus, si diutius excurrat, intestina seriatim omnia deorsum versus afficiat, donec tandem in Rectum omne malum detrudatur, & in Tenesmum desinat; quo facto longe secus atque in Dysenteriis, dejectiones sterco-rosæ vehementissimum intestinis dolorem inferunt, alvi sc. fæcibus, teneriora adhuc intestina, inter descendendum, radentibus; cum dejectiones mucosæ, eo tantum tempore, intestino Recto molestias creent, quo, materia in eo solo conficitur atque inde excernitur. Hic morbus, nec Methodo prædictâ, nec Clysteribus abstergentibus vel glutinantibus, quæ pro variis Ulceris temporibus injici solent; nec etiam Fotu, Inseffu, suffimigiis ac suppositoriis dictos scopos respicientibus, curari potest: liquet enim hoc ab ulcere Recti non procedere, sed ex illo potius, quod intestina, quibus gradibus vires resumpserint, iisdem etiam materiæ morbificæ reliquias in Rectum deturba-verint; quod quidem indefinenter proritatum singulis sedibus mucosam illam materiam, quâ, ope Glandularum¹ Peyerianarum, intestina inunguntur, abradit. Tolerandum est itaque ægro, donec Diætâ analepticâ, & liquore aliquo Cardiaco, qui palato arridet maximè, pro libitu ingesto, revocari possint vires; quibus redeuntibus pari passu suâque sponte proripiet se hoc Tenesmi Symptoma.

§. XIV.

Restat adhuc affectûs torminosi species, quæ, propter summam ejus violentiam & periculum, sicco pede non est prætereunda; morbus est veteribus parum notus, inter Europæos ob clementiam cœli raro inveniendus, in Americâ autem, præsertim apud insulas Caribbee dictas, est frequentissimus: per to-

B 3

tum

¹ Peyer. de Gland. intestin. Exerc. 1. Part. 1. Cap. 2.

tum anni cursum homines infestat, in Autumno præcipuè caput attollit, majoreque ferocitate sævit. Colica Pictonum apud Riverium dicitur, quæ producitur, ut censet ille, ab humore bilioso in Abdominis membranas repente effuso, qui eò transfertur, a Cystide felleâ, in Crisi diuturnâ febrium, aut à vehementi iracundia, aliâque causâ externâ, quando propter obstructions ad vias communes effundi non potest, sed motu præpostero ad prædictas Abdominis membranas repente excutitur. Hinc dolor oritur crudelissimus, Colicum imitatus, qui tamen neque clysteribus, neque fomentis, neque aliis remediis cedit ad plures menses perseverans. Hinc corpus contabescit, febris interdum, alicujus ex intermittentibus typum referens, molestat; estque interdum, idque sæpius, continua ac lenta, tandemque doloribus remittentibus, Paralysis succedit. Illa autem partes superiores magis occupat. Crura & tibiæ plerumque dolent, in paucis resolvuntur omninò. Imò verò interdum humor biliosus in ipsum cerebrum irrumpit, & convulsiones Epilepticas producit, unde mors, ut plurimum, solet succedere.

Curatur morbus missione sanguinis sæpius iterandâ, si sanguis pravâ qualitate infectus appareat, aut si dolor rheumatismi particeps esse videtur. Intestina clysteribus emollientibus humectentur, primæ viæ Cathartico leni aperiantur, tum demittatur Æger in Balneum tepidum ex Decocto Malvæ, Bismalvæ, Parietariæ &c. paratum, ter quaterve in die, ut acrimonia humoris temperetur, ac pori membranarum aperiantur. Postero die cathartico accommodato humor ille purgetur, deinde repetatur Balneum. Idque faciendum, donec expurgatis humoribus, & sedato dolore, æger in tuto sit.

Venter oleo Chamæmel. Anethino, Amygdal. dulc. lilior. cum Butyro frequenter inungatur.

Laudat Cl. Sydenhamus Balsamum Peruvianum frequenter & in magno Dosi exhibitum, nempe si ejus gutt. xx. xxx. vel xxxx. Sacchar. Albiss. Cochlear. i. instillentur, & bis vel ter in die dentur.

1. Riverius in Cap. de Paralyfi Pag. 170.